


www.BibleForChildren.org

Matayu 26



Pamberi pa
mashaka sita ga
msambu gwa
Pasaka, Yesu kafikiti
Betaniya pakaya pa
Lazaru, muntu yakamzyusiyiti
kulawa kwawahowiti. Mariya
katoliti supa ya uturi
yawayishema naridu
iherepa ya mpiya zivuwa,
kamswaga Yesu mumagulu na
kugapukuta kwa viri zykuwi numba
yoseri inunkira uturi.



Shakapanu Yuda Isikariyoti, yumu gwa walii lilongu na wawili, kagenditi kwa watambika wakulu su kamgalambuki Yesu. Watambika wa numba ya Mlungu pawapikaniriti shisoweru ashi, wasekelera, wamlagiliti kumpanana mpiya. Su, Yuda kanja kusakula lupenyu Iwa kamgalambukira kwa Watambika wakulu.



Wafundwa watenda handa Yesu
ntambu yakawagambiriti watandiri
shiboga sha Pasaka. Pawaweriti
wankuliya, Yesu katoliti libumunda,
kalonga mayagashii Mlungu,
kalimega na kawapanana wafundwa
wakuwi, pakalonga, "Mtoli mlii, ayi
ndo nshimba ya neni."



Shakapanu katola shikombi na kalonga mayagashii Mlungu, kawapanani pakalonga, "Mlandi woseri mwenga, agu ndo mwazi gwangu, gwagulanguziya lipatanu Iya Mlungu kwa wantu wakuwi, mwazi gwaguyitika kwajili ya wantu wavuwa kuwalekiziya vidoda."



"Simoni, Simoni! Gupikaniri! Shetani kapatiti ruusa ya kuwajera mwenga mawoseri, kuvilaviya viherepa kulawa muvidoda, gambira mkulima pakapeta nganu kulawa mumakapi. Kumbiti neni nankuluwira kwa Mlungu, Simoni njimiru yaku nayidodomera. Nagwenga pagumbuyira, guwatangi wayagu."



Peteru kamwankula, "Mtuwa, neni ng'enda kala pamuhera na gwenga mushibetubetu, na ata kuhowa pamuhera na gwenga." Yesu kamuwankula, "Nukugambira gwenga Peteru, pamberi njogolu hakeniwiki leru hagunemi mala ndatu."



Shakapanu Yesu kagenditi pamuhera na wafundwa wakuwi pahala pawapashemapu Getisemani na kawagambira, "Mulivagi panu neni ng'enda palongolu pali na kuluwa." Kalonga, "Tati!, Tati gwaneni, kwa gwenga vitwatira yoseri viwezikana. Gumpusiliri lutekeru lwa ndabiku alu, kumbiti hayiweri handa ntambu yanfira neni, ira ntambu yagufira gwenga."



Yuda katoriti shipinga sha wanjagila kulawa kwa watambika wakulu wa Numba ya Mlungu na Mafalisayu, su kiza nawu mushiwunga womberi waweriti na limbamba Iya motu na vimagi.

Na yumu gwawu kamkomiti upanga ntumintumi gwa Mtambika Mkulu na kamdumula likutu Iyakuwi Iya kumliwu. Palaa, Yesu kalonga, "Ayi itosha!" Kalishinkula likutu Iya muntu ayu, kamuponiziya.



Wamubatiti Yesu na kugenda naye ukaya kwa Mtambika Mkulu, na Peteru kaweriti kankumfata kwa kutali. Motu waguwashiti pakati pa uwa, na Peteru kaweriti pamuhera na woseri weni waweriti walikala pamuhera pawayoterata motu.



Yumu gwa wantumintumi
wa Mtambika Mkulu,
nayomberi kaweriti
mlongu gwa ulii
yakadumulitwi likutu na
Peteru katakula nukuwoniti
pamuhera na Yesu
mushiwunga sha mitera.
Peteru kamlema kayi, palaa
paliya njogolu kawika. Peteru
kawukiti kugenda kunja,
na kalila nentu.




Shikundi shoseri wagolokiti, wamjega Yesu kulongolu kwa Pilatu, Pilatu kamkosiyiti yomberi, "Hashi, gwenga ndo Mfalme gwa wayawudi?" Yesu kamuwankula, "Gwenga gulonga." Pilatu kafiriti kumlekeziya Yesu, su katakula kayi nawomberi. Kumbiti womberi watenditi umatu, "Gumkong'onderi

misumali mulupingika!


Gumkong'onderi misumali mulupingika!"




Su, panu Pilatu kamlekiziya Yesu
mumawoku mwawu su wampingiki. Su,
wamtola Yesu. Nayomberi kalawa kiwiti
kalitola lupingika lwakuwi kugenda
pahala pawashemapu "Shipalakasa
sha Mtuwi." Kwa Shiebraniya Goligota.



Wampingika aku na wantu wawili
wamonga wawapingika, yumu uwega
wakuwi wa kumliwu na mmonga
uwega wakuwi wa kumshigi.



Iweriti yapata saa sita paliwala, mshenji guleka kuwala,
luwindu lugubikiti muisi yoseri mpaka saa tisa, lipaziya
Iya numba nkulu ya Mlungu lipantika vipandi viwili.
Yesu kalila kwa liziwu likulu, Tati,
mumawoku gaku nuyitula
rohu yangu. Pakalongiti
hangu kahowa.



Panu kiza Yosefu mwenikaya gwa Arimatayu, mjugira gwa Shiyotera motu mkulu, yawampananiti ligoya nentu. Yomberi viraa kaweriti kankulolera kwiza kwa Ufalumi wa Mlungu. Su, kamgenderiti Pilatu pota na lyoga,

kaluwa wamupi nshimba ya Yesu. Panu Yosefu kuhemera sanda ya shitani, kasulusiya pasi mauti galiya, kaviliga sanda.



Kagatula mulipumba
lyaliweriti walisongola
mulitalawu, shakapanu
kabilingsiya libuwi likulu
kumlyangu.



Shirawu yakuwi, lishaka Iya Kwoyera,
watambika wakulu na Mafalisayu
wamgendiriti Pilatu, na
walonga, "Mtuwa,
tuli hola kuwera mpayu
ulii katakuliti pamberi
pa kuhowa kwakuwi
kalongiti, 'Pa
mashaka matatu



hanzyuki.'"



"Su wagenda na kulolera lipumba
walimatira litalawu na
kuwaleka wanjagila
waloleri."




Palipititi lishaka Iya Kwoyera,
mandawira putiputi lishaka Iya
jumapili, Mariya Magidalena
na Mariya yumonga ulii,
wagenditi kulilola
lipumba. Palaa palii
kulawira kutikinyika
kukulu kwa isi,
ntumintumi gwa

kupindi gwa Mtuwa
kiziti kulawa
kumpindi,
kalibiringisiya libuwi
lilii na kalivagira.



Walolera lipumba waweriti na lyoga
likulu ata wawera gambira wantu
yawahowa.



Ntumintumi gwa kumpindi
kawagambira wadala walii,
“Namtira mwenga! Nuvimana
kuwera mwankumsakula
Yesu yawampingikiti.
Kwahera panu, toziya
Kazyuka ntambu
yakalongiti. Mwizi
mloli pahala

pawamtuliti.”




Wadala awa walawiti kanongola
mulipumba, watuga kugenda
kuwagambira wafundwa wakuwi,
pawawera na lyoga na nemeleru
nkulu. Vumu Yesu kaliwona
nawomberi na kuwagambira,
"Mwakashina?" Womberi
wamwizira na



kumsuntamalira pamagulu
gakuwi na wamguwira.





Upeleru Yesu kawalawiriti wafundwa lilongu na yumu pawaweriti pamuhera pameza. Kawakalipira nentu toziya ya kujimira ndiri kwawu na mtiti gwawu, mana wawajimira ndiri walii wawaweriti wamwona pakazyukiti kala. Su, Mtuwa Yesu pakatakuliti kala nawomberi, kanyasulitwi kugenda kumpindi kwa Mlungu, kalivaga uwega wa kumliwu wa Mlungu.



Mana Mlungu kawafiriti nentu wantu
wa pasipanu, su kamlaviyiti Mwana
gwakuwi gwa gweka, su kila
yakamjimira hapeni kahowi,
kumbiti kaweri na ukomu
wa mashaka goseri.



Romans 3:23 Wantu woseri watenda vidoda na wapatali na ukwisa wa Mlungu.

Romans 6:23 Toziya shibenamgongu sha vidoda ndo kuhowa, kumbiti lifupu Iya Mlungu ndo ukomu gwa mashaka goseri kulikolerana pamuhera na Kristu Yesu Mtuwa gwetu.

Hebrews 9:27 Muntu yoseri hakahowi mala yimu hera, shakapanu hakatozwi.

Ephesians 2:8,9 Toziya kwa manemu ga Mlungu, mwenga mlopoziwa kupitira njimiru. Shitwatira ashi shilawa ndiri kwa maweni mwenga, kumbiti shilawa kwa Mlungu.
Su muntu yoseri nakalitumbira toziya kagutenderiti ndiri lihengu.



Romans 10:9,10 Handa pagutakula kwa mlomu gwaku kuwera Yesu ndo Mtuwa na kujimira kuwera Mlungu kamzyukisiyiti, hagulopoziwi. Muntu pakajimira kwa moyu katendwa muheri kulongolu kwa Mlungu na kwa kutakula kwa mlomu kuwera Yesu ndo Mtuwa, yomberi hakalopoziwi.

John 3:16,17 Mana Mlungu kawafiriti nentu wantu wa pasipanu, su kamlaviyiti Mwana gwakuwi gwa gweka, su kila yakamjimira hapeni kahowi, kumbiti kaweri na ukomu wa mashaka goseri. Mlungu kamjegiti ndiri Mwana gwakuwi pasipanu kupatoza, kumbiti kapalopoziyi.



1 John 5:11-13 Awu ndo ukapitawu kuwera, Mlungu katupananiti ukomu wa mashaka goseri na ukomu awu upatikana kwa njira ya Mwana gwakuwi. Muntu yoseri yakalikolerana pamuhera na Mwana gwa Mlungu, yomberi kawera na ukomu na muntu yoseri yakalikolerana ndiri pamuhera na Mwana gwa Mlungu, yomberi kahera ukomu. Nuwalemba vitwatira avi mwenga yamjimira mulitawu Iya Mwana gwa Mlungu, su muvimani kuwera mwenga mwanawu ukomu wa mashaka goseri.



Matayu 26-28; Luka 22-24; Yohani 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Pogolo T (poy) © 2014 Pioneer Bible Translators and The
Word for the World

<https://live.bible.is/bible/POYPNT/MAT/1>

©2026 Bible for Children, Inc.

www.M1914.org

www.bibleforchildren.org

